

Endenquimbo, diez de diciembre, 1948, nidaid abitedinoësh matses utsi-utsiec cho-chopanëdash, onquenuec. Adec cho-choquid Naciones Unidas capec.

Choashic onquepanëdash. - Bëdamboec tabadnuna, quequin chuibanuna. Nuqui chuiboed dada uanuna. Nuqui dada uaid daëdpén nacnenshun meniac utsibo abitedishun nuqui chuiboed tantiatsiashe - quepanëdash cho-choquido. Ambi chiaid neid dada uaid nec.

Nidaid Abitedinoësh Cho-choquidon Bëdamboec Tabadte Chiaid

Utsi Chuinuen Naden chuinëdash

Adashic: - Bëdamboec tabadnuna, queshe: Ai, mimbi chiac padec tabadnuna, matses abitedimbo chuinanubi:

Mibi bëdamboec tabashobi cueschitono, quequid nibedtsiashe. Cuesnanenquio matses ictsiashe. Icsauanquid chushcatsiashe. Bëdambocquid bëdamboen ispatsiashe - quequin chuipanëdash nidaid abitedinoësh cho-choquidon.

Adashic: - Enden: Bëdamboec tabadnu, queshe: Padi. Cueschitono, quequin icsamenëdaiddi nëbi utsi uanuna. Naden chuinanuna. Mimbi tantiaini chuita. Utsibon chuisho tantiate bonquin tantiata. Dacuëdenquiocquin nata. Mibi cuestiapimbo iquebi - quequin chuinanuna. Adec matses utsi-utsiquetsëcquiec nuquibi bëdamboec tabadtsiashe - quequin chuipanëdash nidaid abitedinoësh cho-choquidon.

Adashic: - Bëdamboec tabadnuna, quequin neid chiaid isun chuiquid dapan: Ai, bëdamboen chiacpadec tabadnuna, aton matses chiac bëdambo ictsiashe. Aid chuiquid dapa caic: Icsambo iqueque. Cuesunechitono, utsibon cac icsambo ictsiashe - quequin chuipanëdash nidaid abitedinoësh cho-choquidon.

Adashic: - Nuquibi bëdambo iquec, cananuna - quequin chuipanëdash nidaid abitedinoësh cho-choquidon.

Adashic: - Bëdamboec tabadnuna, quequin chiac bëdambo ictsiashe. Matses abitedimbo bëdambo iquec. Dada bëdambo iquec. Chido bëdambo iquec. Bacuëbo bëdambo iquec, quequin chiac bëdambo ictsiashe. Padi.

Mimbi chiac padomboen bëdamboen nainda. Cueschitono quequid chieshëmënnquid icsambo ictsiashe. Adquid nibëdnubi matses abitedi dada uaquin mëquiacac bëdambo ictsiashe. Adembidi dauë menebanac bëdambo ictsiashe. Adecbidi piassenquio yec bëdamboec tabadac bëdambo ictsiashe - quequin chuipanëdash nidaid abitedinoësh cho-choquidon.

Adashic: - Nëmbo cho-choquidotedi aton nidaiddën nishun aton matses nuqui chiondaidd chuituidac: Ai, mimbi chiacpadec bëdamboec tabadnuna, quequin chiac bëdambo ictsiashe - quequin chuipanëdash nidaid abitedinoësh cho-choquidon.

Adashic: - Nuqui chuiboed matses abitedimbo tantiamiac bëdambo ictsiashe - quepanëdash. Aidtedba chuipanëdash.

Nuqui Chuiboed Bëdambo Iquec, Quiash

Nidaid abitedinoësh cho-choquido: - Nuqui chuiboed matses abitedimbo tantiamenuna. Tantiamiac chuiquid dapabon: Ai, adec bëdamboec tabadcuenuna, cac bëdambo ictsiashe. Bëdamboec tabadcuenuna, cacpadec matses abitedi bëdamboec tabadac bëdambo ictsiashe - quequin chuipanëdash nidaid abitedinoësh cho-choquidon.

Chiaid 1

Chidon tishaido yec matses abitedimbo bëdamboec isananac bëdambo ictsiashe. Chieshnanac icsambo ictsiashe. Abitedimbo bëdamboec tabadac bëdambo ictsiashe. Shubu abentsëcquiddën tabadac birnboec abitedi tabadac bëdambo ictsiashe - quequin chuipanëdash nidaid abitedinoësh cho-choquidon.

Chiaid 2.

Nëid dada uaid isash abitedi bëdamboec isananac bëdambo ictsiashe. Èbi padquid con matsesuidtsëqui bëdambo iquec. Matses utsibo icsarnbo iquec, quenquio yec: Con matses bëdambo icnuc utsibotsen bëdambo iquec, cac bëdambo ictsiashe. Adernbidi: Embentsëqui bëdamboen tantiembi. Utsibo abitedishun icsamboen tantiec, quenquioëquin:

Chieshëenquiocquin ma ambi tantiaini napanu cac bëdambo ictsiashe. Chidobi bëdamboen istiapimbo iquebi, quenquiocquin chidotsen bëdamboen isac bëdambo ictsiashe. Chuiquid dapambi nëid chiaid niacbidanquin aton matses chieshënac icsambo ictsiashe - quequin chuipanëdash nidaid abitedinoësh cho-choquidon.

Chiaid 3.

Matses utsibo yuainquio yec, cuesnanenquio yec quec bëdamboec tabadnuna, cac bëdambo ictsiashe - quequin chuipanëdash nidaid abitedinoësh cho-choquidon.

Chiaid 4.

Matses utsibo min matsesbëta yuainquiocquid. Yuac icsambo ictsiash. Adembidi matses utsibo min matsesbëta beshun yuamequin menenquiocquid. Yuamenun meniac icsambo ictsiash - quequin chuipanëdash nidaid abitedinoësh cho-choquidon.

Chiaid 5.

Matsespenquo yacimboecnuc aton matses bëta matses utsibo icsauainquiocquid. Icsauac icsambo ictsiash - quequin chuipanëdash nidaid abitedinoësh cho-choquidon.

Chiaid 6.

Atoda nidaidën nidacsho anocquidon: Con matses chuiquid dapan chiaid ley caid nata. Niachidansho juez caidën ëbi yac padomboembidi cuidtsiash, cac bëdambo ictsiash - quequin chuipanëdash nidaid abitedinoësh cho-choquidon.

Chiaid 7.

??Mitsicquid nidaidën tabadquid nec? Aton nidaidën tabadquido chuiquid dapan chiaid ley caid abitedishun nac bëdambo ictsiash. Aidën chiaid niachidansho juez caidën cuidac bëdambo ictsiash. Nëid chiaid niachidanquin matses utsi caic: Matsespenquo mibi nec. Mibi bëdamboen istiapimbo iquebique. Mëyanu, quequin ambembi nac icsambo ictsiash. Cuidte chuiquid juez caidën matses abitedimbo: Mibi matses nec. Con matses nacpadomboembidi mibi naimbi, cac bëdambo ictsiash - quequin chuipanëdash nidaid abitedinoësh cho-choquidon.

Chiaid 8.

??Midacquid matses nepec? Aton nidaidën tabadquido chuiquid dapabon chiaid nac bëdambo ictsiash. Aid chiaid niachidanquin utsibo icsauasho isun juez caidën bemeshun cuidac bëdambo ictsiash - quequin chuipanëdash nidaid abitedinoësh cho-choquidon.

Chiaid 9.

Nëid chiaid niachidanquin ambembi matses quëne uac icsambo ictsiash. Adembidi ambembi chieshënquin matses aton nidaidëshun cuemiac icsambo ictsiash - quequin chuipanëdash nidaid abitedinoësh cho-choquidon.

Chiaid 10.

Chuiquid dapabon chiaid ley caid niachidanosh. Icsaosh, caid beshun juez caid yacno buanquin. Anoshombi matses daëdpenshun isnuc juez caidën chieshënenquiocquin chuimequin. ??Atotsi nao? quequin chuimequin. Ashumbi aid isquidtsen chuimequin. Adoshombic: Abimbo caosh. Icsaosh, qeshun cuidquin. Icsabicshobi: Icsabi iqueque. Cuidtiapimbo iquebi. Ma nidnu, cac bëdambo ictsiash. Cuidte chuiquid juez caidën chieshënenquiocquin abimbo cac bëdambo ictsiash - quequin chuipanëdash nidaid abitedinoësh cho-choquidon.

Chiaid 11.

Chuiquid dapabon chiaid ley caid niachidanosh. Icsaosh, caid beshun cuidte chuiquid juez caidën uesquin chuimiabi badedi: Mibi icsaque. Mibi cuidnu, cac icsambo ictsiash. Chata. Utsibon tantianubi chuimiabi icquin: Icsambo iquec, catiapimbo iquebi. Chuimebono, juezën cac bëdambo ictsiash.

Chuiquid dapabon chiaid ley caid niachidanacsho juez caidën chuimeshun cuidac bëdambo ictsiash. Chuiquid dapabon: Aden naic icsambo ictsiash. Adoquid naden cuidquid, quequin chiacmaid nacsho: Icsambo iqueque. Cuidnu, cac icsambo ictsiash. Aidon chiaid niacabicscho cuidac icsambo ictsiash - quequin chuipanëdash nidaid abitedinoësh cho-choquidon.

Chiaid 12.

Nidaid utsin-utsinquetsëcquiecquidën chuiquid dapabon: Nadquid icsambo iqueque. Cuidnu cac bëdambo ictsiash. Nëidic: Mimbi tantiaidi nainda. Embi chiac padomboenuidtsëqui nata, quec chieshëmënnquid. Nëidic: Min nabobëdi bëdamboec tabadenda, quec chieshanquiecquid. Nëidic: Ambi tantiaidën iste dada uaid isnushe. Beshun secanuna, quequin dada uaido beshumënnquid. Aided icsambo iquec, quequin chuiquid dapabon chiac bëdambo ictsiash - quequin chuipanëdash nidaid abitedinoësh cho-choquidon.

Chiaid 13.

Nidaid utsin-utsinquetsëcquiecquidën chuiquid dapabon nadoac bëdambo ictsiash. Nëid nidaidën tabadquid: Capucuenenu, qesho tantianshun: Ai, capucueneta, cac bëdambo ictsiash. Adembidi: Shubu utsin manëdnu, qesho: Ai manëdta, cac bëdambo ictsiash, quequin chiac bëdambo ictsiash.

Nadembidi chiac bëdambo ictsiash. Nëid nidaidënoësh nidendabi, qesho, Ai, nidta, cac bëdambo ictsiash. Nidenda. Cueschitono, shëpi, cac icsambo ictsiash. Padnuen: Nëid nidaidën choaindabi, qesho, Ai, chota, cac bëdambo ictsiash. Padnuen: Choenda. Cueschitono, cac icsambo ictsiash - quequin chuipanëdash nidaid abitedinoësh cho-choquidon.

Chiaid 14.

Nidaid utsino cuenash: Con nidaidën tabadquidën ambembi chiesënac cuenobique. Min nidaidën tabadnu, queshe: Ai, nêmbobi quenenta, cac bēdambo ictsiash.

Padnuen aton matses chuiquid dapabon ley chiaid niacbidanec: Cuidnushe, quianec nidaid utsin cuensho: Ai, nêmbu quenenta, cac icsambo ictsiash. Adembiđi êmbi chuiboed niacbidanec: Cuidnushe, quianec nidaid utsin cuensho: Ai, nêmbu quenenta, cac icsambo ictsiash - quequin chuipanēdash nidaid abitedinoësh cho-choquidon.

Chiaid 15.

Acte amē ēquē cuēma utsiuc tabadquid: Peruano nebi, queshe Peru yacnocquid ēhuiquid dapan: Ai, Peruano mibi nec, cac bēdambo ictsiash. Padnuen acte amē oquē cuēma utsiucquid: Brasileiro nebi, queshe Brasil yacnocquid chuiquid dapan: Ai, Brasileiro mibi nec, cac bēdambo ictsiash. Padnuen nidaid utsin tabadquid: Nēid nidaidën icquidquio nebi, queshe: Ai, adquid mibi nec, cac bēdambo ictsiash.

Aton nidaidën tabadquid: Nēid nidaidën icquid mibi catiapimbo iquebi. Con matses mibi cainqujo iquembi, ambembi cac icsambo ictsiash. Padnuen aton nidaidën tabadquid: Nēid nidaidën icquid icboedi nēbi nidaid utsin manēdash aid nidaidën icquid yanebi, queshe ambembi chieshēnquin: Padi. Aid nidaidën icquid mibi catiapimbo iquebi, cac icsambo ictsiash - quequin chuipanēdash nidaid abitedinoësh cho-choquidon.

Chiaid 16.

Ashumbic padpiden: - Dada caniaidi: Con bacuē tishmenuen con matsesën champi bednu, queshe: Ai, adota, cac bēdambo ictsiash. Caniaid utsibi: Con bacuē tishmenuen matses utsin champi bednu, queshe: Ai, adota, cac bēdambo ictsiash. Padnuen chido caniaid: Con bacuē tishnuen con matses bedmenu, queshe: Ai, adota, cac bēdambo ictsiash. Chido canjaid utsibi: Con bacuē tishnuen matses utsibi bedmenu, queshe: Ai, adota, cac bēdambo ictsiash. Dadabi: Con chidobēdi bēdamboec tabadnu, queshe: Ai, adta, cac bēdambo ictsiash. Chidobi: Con bēnēbēdi bēdamboec tabadnu, queshe: Ai, adta, cac bēdambo ictsiash. Chido aton bēnēn yuapenquio nec. Dadabi: Embi con chido caboedi icsasho isun con chidopenquio canu, queshe, Ai, adota, cac bēdambo ictsiash. Chidobi: Embi con bēnē caboedën chieshēnoshi. Aidi nianu, queshe, Ai, adota, cac bēdambo ictsiash.

Nidaid utsin-utsinquetsēcquiecquidën chuiquid dapabon: Dadabi: Aton bēnē ictiapimbo iquebi, queshe bedmenda. Adecbidi chidobi: Aton chido ictiapimbo iquebi, queshe bedmenda. Padnuen dadan: Mibi bednu, cac: Ai, ēbi bed, cac bēdambo ictsiash.

Nidaid utsin-utsinquetsēcquiecquidën chuiquid dapabon: Dada aton nabobēdi bēdamboec tabasho isash: Bēdambo iquec, cac bēdambo ictsiash. Chieshēmēnquidën aton chido beshunac icsambo ictsiash. Adembiđi aton bacuēbo beshunac icsambo ictsiash. Adoquid cuidnuna, quequin chiac bēdambo ictsiash - quequin chuipanēdash nidaid abitedinoësh cho-choquidon.

Chiaid 17.

Nidaid utsin-utsinquetsēcquiecquidën chuiquid dapabon: Ampiacquid: Con nabi nec, queshe: Ai, mitsa na nec, cac bēdambo ictsiash. Adembiđi: Utsin nabēdi con na nec, queshe: Ai utsin nabēd mitsa na nec, cac bēdambo ictsiash.

Adashic: Ancanquidën utsin na beshunac icsambo iquec. Adembiđi utsin na ampiac icsambo iquec, quequin chiac bēdambo ictsiash - quequin chuipanēdash nidaid abitedinoësh cho-choquidon.

Chiaid 18.

Nidaid utsin-utsinquetsēcquiecquidën chuiquid dapabon: Nēmbocquid: Aden tantiembi, queshe: Aden tantiashe mibi cuesunechitono, shēpi, cac icsambo ictsiash. Utsibi: Matses uaquid abentsēqui Nuquin Papa iquec, queshe: Adquid cuesunechitono, shēpi, cac icsambo ictsiash. Utsibi: Nuquin Papa caid nibēdec, queshe: Adquid cuesunechitono, shēpi, cac icsambo ictsiash. Utsibi: Podobitsi daēdpēn tantiaquidquio nebi, queshe: Adquid cuesunechitono, shēpi, cac icsambo ictsiash. Padnuen: Podobitsi daēdpēn tantiaquid icboedēmbi nēbi utsi uaimbi. Nēbi Nuquin Papa tantiaquid nebi, queshe: Adquid cuesunechitono, shēpi, cac icsambo ictsiash. Utsibi: Embi Nuquin Papa caid tantianuec shubun puduedash tabadcuēdednu, queshe: Padi, cuesun secachitono, cac icsambo ictsiash. Utsibi: Embi Nuquin Papa caid tantianuec abentsēqui tsadnu, queshe: Padi. Cuesunechitono, cac icsambo ictsiash. Padnuen: Embi Nuquin Papa caid utsibo chuibanu, queshe: Asho mibi cuesunechitono, cac icsambo ictsiash. Utsibi: Embi Nuquin Papa caid tantianuen nanu, queshe: shēpi cac icsambo ictsiash, quequin chiac bēdambo ictsiash - quequin chuipanēdash nidaid abitedinoësh cho-choquidon.

Chiaid 19.

Nidaid utsinutsinquetsēcquiecquidën chuiquid dapabon: Matsesën ambibi tantiaid chuisho: Chuisho cueschitono, shēpi. Chēn, cac icsambo ictsiash. Utsibi: Utsin chuisho tantiatanu, queshe: Nisho isun mibi cuesunechitono, shēpi. Chēn, cac icsambo ictsiash. Padnuen: Maquinian onquequin utsibo chuibanu, queshe: Chēn. Cuidchitono, cac icsambo ictsiash. Utsibon iste dada uanu, queshe: Chēn. Dada uainda, cac icsambo ictsiash. Nidaid utsin tabadquid chuinu, queshe: Chēn. Anocquido chienda, cac icsambo ictsiash, quequin chiac bēdambo ictsiash - quequin chuipanēdash nidaid abitedinoësh cho-choquidon.

Chiaid 20

Nidaid utsin-utsinquetsēcquiecquidën chuiquid dapabon: Con nidaidën tabadquid: Aidobēdi bēdamboec

tabadnu, qesho: Ai, adta, cac bēdambo ictsiash. Adembidi: Shubun tsaduedash bēdamboec onquecuedednu, qesho: Chēn. Cuidchitono, cac icsambo ictsiash.

Adashic: Utsibi: Aden tantiaquidobēd tabadtiapimbo iquebi, qesho: Baded cho. Choenquiocsho cuidchitono, cac icsambo ictsiash, quequin chiac bēdambo ictsiash, - quequin chuipanēdash nidaid abitedinoēsh cho-choquidon.

Chiaid 21.

Nidaid utsin-utsinquetsēcquiecquidēn chuiquid dapabon: Miqui chuiquid ictiadquio iquebi, qesho aton matsesēn: Ai, ēbi chuiquid icta, casho utsibo daēdpatsēcshun: Padi, cuesunechitono, shēpi, cac icsambo ictsiash. Padnuen: Miqui chuiquid ictiadquio iquebi, qesho aton matsesēn: Padi caqui chieshēnquin: Padi, caquido cuesun secachitono cac icsambo ictsiash.

Chuiquid dapabon: Nuquin matses abitedi nashununa. Aton podquedēn uaquinc, aton dauēchoquid icmequinc, aton dada uaid ismequid icmequinc canuna, cac bēdambo ictsiash.

Matses daēdpenshun: Embi chuiquid icta, cac aidi chuiquid icmiac bēdambo ictsiash Padabi yac icsambo ictsiash. Utsibombi: Aidi chuiquid bēdambo ictsiash, quequin utsibo ismenquiocquin aid cuēmēdquid dada uashun sandoquin. Adoshombi matses abitedishun ambi tantiaid dada uatanquin sandoacsho sandoaid beshun tambanquin. Adoshombic: Mibi cuēmēdquid matses daēdpenshun dada uaque. E'bi chuiquid icta, cain. Padnubi matses utsibon aton matsesēn nac padomboen chuiquid dapa icmequin. Adoac bēdambo ictsiash - quequin chuipanēdash nidaid abitedinoēsh cho-choquidon.

Chiaid 22.

Matses abitedi bēdamboec tabadac bēdambo ictsiash. Piasenquo yec dacuēdenquo yec tabadac bēdambo ictsiash. Nēid nidaidēn icquido chuiquid nidaid utsin icquidobētan chuiquin: Matses utsi-utsiec abitedimbo bēdambo iquec. Aton piucquid bedmenuna. Bēdamboec tabadmenuna. Min matsesi bēdamboen istiapimbo iquebi, cainquio icnuna, cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 23.

Nidaid utsinquetsēcquiecquidēn chuiquid dapabon: Nuquin nidaidēn tabadquido: Chuiquid dapan chiaid ley caid niacbidanenquiocquin piucquid bednuen naimbi, qesho: Ai, adota, cac bēdambo ictsiash. Padnuen piucquid bednuen nashunaidon: Chata. Tiboeta. Miqui mēyadeque, abi nashunquido cac bēdambo ictsiash. Chonoaoanquidquio icsambo ictsiash. Utsibi: Piucquid benuen naimbi, cac: Naic cho, caquid nibēdsho isun chuiquid dapan: Nanu, cauidquido piucquid meniac bēdambo ictsiash.

Padnuen: Naic cho, cac daēdpen chonoadacsho piucquid menequin. Chonoadquido abitedishun tauac padquido aidtedishun nainacsho piucquid ated-atedbidi menebaniac bēdambo ictsiash.

Ma aton nabo pemequinc, dasiinquinc, shubu uaquinc canu, quequin chieshenquiocquin chonoadquid piucquid daēdpen meniac bēdambo ictsiash. Piucquid daēdpatsēc meniac aton nabo pistsēc pemequinc, disiinenquiocquinc, shubu uatsēcquinc cac icsambo ictsiash. Adec icsambocsho isun chuiquid dapan: Piucquid menenuna, cac bēdambo ictsiash.

Chonoadquido: Ebi chonoadac padec chonoadquidobēd onquecuedednuna. Ēbi chonoaoaquidon piucquid daēdpatsēc menesho chushcanuna, qesho: Chēn. Onquecuededenda. Cuidchitono, cac icsambo ictsiash. Ai, miqui chiac padota, cac bēdambo ictsiash - quequin chuipanēdash nidaid abi tedinoēsh cho-choquidon.

Chiaid 24.

Tibocamianenquiocquin chonoaoanquiac icsambo ictsiash. Padnuen: Padi. Nēbadiadash tiboenua, cac bēdambo ictsiash. Dia ēeriado caidēn matses abitedi tiboequid. Asho Chonoaoaquidēn dia ēeriado caic: Aid ushēmbi chonoadacbmboecnuc adted piucquid menenu, cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 25.

Aton pete icnuc, aton dashcute icnuc, aton shubu icnuc, aton dauē icnuc aton nabobēdi matses bēdamboec tabadtsiash. Adac bēdambo ictsiash. Utsibi chonoadtiapimbo icquin aton piucquid bedtiapimbo yec bēdamboec tabadtiapimbo iquec. Nēidtedi matses chonoadtiapimbocquido nec. Nēidic Naid cho, cacmaido. Nēidic dada icsatsaido. Nēidic niantebo. Nēidic tsusiompibo. Nēidic machompibo. Aidtedi chonoadtiapimbocsho isun chuiquid dapan aton piucquid meniac bēdambo ictsiash.

Ani aton bacuēbobēd tabadquido bēdamboen isquin bēdamboen dayun uac bēdambo ictsiash. Bēnēn tishmiaido bacuēbo bēdamboen isquinc abembi uaidēn tishaidotsen bēdamboen isquinc cac bēdambo ictsiash - quequin chuipanēdash nidaid abitedinoēsh cho-choquidon.

Chiaid 26.

Nidaid utsin-utsinquetsēcquiecquidēn chuiquid dapabon: Con matses dada uate shubun puduedash mēquiadnu, qesho: Ai, adta, cac bēdambo ictsiash. Taēyec mēquiadquid dada uate shubun puduedacsho: E'~mbi mibi mēquiacsho ēbi piucquid mene, cac icsambo ictsiash. Yuecash mēquiadquidēn mēquiacquid piucquid meniac

bëdambo ictsiash. Bacuëbo abitedi dada uaqin mëquiacnuna, cac bëdambo ictsiash. Dada uaic bëdamboec mëquiadash: Dada uaid daëdpenquoio tantiatiadquoio iquebi. Dada uate shubu utsin puduednu, qesho: Ai, adta, cac bëdambo ictsiash. Utsibi nacnenec mëquiadash: Nacnenquidënquoio ismesho istanu, qesho: Ai, adota, cac bëdambo ictsiash.

Dada uate shubun puduedshun mëquiacquidon: Matses utsi-utsiquetsëcquiec iquec. Abitedimbo bëdambo iquec. Utsibo abitedi bëdamboen isnuna. Chieshnanenquoio yec cuesun secananenquoio icnuna. Adec bëdamboec tabadnuna - quequin mëquiadquido bëdamboen chiac bëdambo ictsiash.

Amëbëtan anin: Nëid dada uate shubunoshon ~ëquiacquidën ëmbi tantiaidbidi chioshe. Ambo con bacuëbo yuednu, qesho: Ai mimbi chiac padota, cac bëdambo ictsiash - quequin chuipanëdash nidaid abitedinoësh cho-choquidon.

Chiaid 27.

Con matses cuëdënacno istanu, qesho: Ai, mimbi chiac padota, cac bëdambo ictsiash. Utsibi: Con matses mamënacno istanu, qesho: Chën. Cuidchitono, cac icsambo ictsiash. Utsibi: Con matsesën nacnenaid istanu, qesho: Ai, adotanta, cac bëdambo ictsiash. Utsibi: Con matsesën nacnenaid bednu, qesho: Chën, mibipadquid bedmetiapimbo iquebique, cac icsambo ictsiash.

Dada uaquido nacnenquidobëta bëdamboen isac bëdambo ictsiash. Utsibombi ambi tantiaid dada uaquid. Utsibombi ambi tantiaid nacnenquid. Adoquidon: Embi nacnenaid bednuen ëbi piucquid mene, qesho bedquin piucquid meniac bëdambo ictsiash. Padnuen utsin dada uaidi caic muaquido: Embimbo dada uaid nec, qesho chuiquidën cuidac bëdambo ictsiash. Muaquid utsibi: Embibo nacnenaid nec, qesho adembidi chuiquidën cuidac bëdambo ictsiash - quequin chuipanëdash nidaid abitedinoësh cho-choquidon.

Chiaid 28.

Nidaid abichobi icquidën tabadquido chieshnanenquoio yec bëdamboec tabadac bëdambo ictsiash. Matses aton matses utsibobëdi chieshnanac icsambo ictsiash. - quequin chuipanëdash nidaid abitedinoësh cho-choquidon.

Chiaid 29.

Nidaid utsin-utsinquetsëcquiecquidën chuiquid dapabon: Min shubu yacno bëdamboec tabadtiadquoio yec bëdamboec nashunanta, cac bëdambo ictsiash.

Chuiquid dapabon aton matses bëdamboec tabadte bonquin chiaid aton matsesën nac bëdambo ictsiash. Chuiquid dapabon aton matses mëyante bonquin chiaid aton matsesën niacacsho cuidac icsambo ictsiash.

Embi chuiboed isun: Bëdamboec tabadnuna, cac bëdambo ictsiash. Padnuen ëmbi chuiboed ismeshun: Embi naiduidi nanu, shëpi, cac icsambo ictsiash - quequin chuipanëdash nidaid abitedinoësh cho-choquidon.

Chiaid 30.

Nëid dada uaid isash, Icsa uanquionona, cac icsambo ictsiash. Padnuen nëid dada uaid isun, Nidaid abichobi icquidën tabadquidobëdi bëdamboec isnanec bëdamboec tabadnuna, cac bëdambo ictsiash - quequin chuipanëdash nidaid abitedinoësh cho-choquidon.